

到邢丘輒折為三天雨三日不休武王懼召太公而問之曰紂未可伐乎  
 太公曰不然輒折為三者軍當分介為三也天雨三日者欲酒吾兵也  
 淮南子曰人有伐國之志雄雞夜鳴庫兵動而戎馬驚 漢書曰武帝末  
 年悔伐胡事乃封丞相為富民侯 又曰武王南伐越以牡荆曰北升登  
 龍以象天一命曰靈旗以指劔 論衡曰太公陰謀書武王伐殷兵至牧  
 野晨舉脂燭推掩不備 魏志曰景元四年鄧艾伐蜀自陰平行無人之  
 地七伯餘里鑿山通道作橋閣山高谷深至有艱險艾以旗自裹推轉而  
 下將士皆攀木緣崖魚貫而進 犖虞新禮議曰漢魏故事遣將出征符  
 節郎授鉞於朝堂新禮遣將御臨軒尚書授節鉞古兵書跪而推轂之義  
 也 犖虞法疑要注曰古者帝王征以齊車戴遷廟之主以行故 尚書  
 甘誓曰用命賞于祖不用命戮于社 王隱晉書曰咸康元年智護王隨  
 領三千人討寧州賊吹三角皆裂軍人惡之隨曰裂者破也當破賊而得  
 土地也 後漢崔駰安封侯詩曰戎馬鳴兮金鼓震壯士激兮忘身命  
 破光甲兮跨良馬揮長戰兮廓強弩 魏文帝於黎陽作詩曰千騎隨風

靡萬騎止龍驤金鼓震上下干戚紛縱橫白旄若素霓丹旗發朱光追思  
 太王德定宇識足臧經歷萬歲林行行到黎陽 又詩曰朝發鄰城夕  
 韓陵霖雨識塗與人困窮載馳載驅沐雨櫛風舍我高殿何為泥中在昔  
 周武爰暨公旦載主而征救民塗炭彼此一時唯天所讚我獨何人餘不  
 靜亂 又詩曰殷殷其雷濛濛其雨我徒我車涉此艱阻遵彼洹湄言刈  
 其楚班之中路塗潦是御麟麟大車載低載昂嗷嗷僕夫載仆載僵蒙塗  
 冒雨雪衣濡裳 又詩曰奉辭罰罪遐征晨過黎山崦嶠東濟黃河金營  
 北觀故宅頓傾中有高樓亭亭荆棘繞蕃叢生南望果園青青霜露慘悽  
 霄零彼桑梓兮傷情 又至廣陵於馬大作詩曰觀兵臨江水水流何湯  
 湯霜矛成山林玄甲曜日光誰云江水廣一葦可以航不戰屈敵虜兵記  
 稱賢良 魏王粲從軍詩曰從軍有苦樂但問所從誰所從神且武焉得  
 又勞師相公征關右赫怒震天威軍中多飮饒人馬皆益肥徒行兼乘還  
 空出有餘資拓地三千里往反速若飛歌舞入鄴城所願獲無違 又從  
 軍詩曰原風厲秋節司典告詳刑我君順時發相相東南征汎舟蓋長川